



## ENTI RREGULLATOR I ENERGJISË

## LICENSË

Per

## AKTIVITETIN E TRANSMETIMIT TË GAZIT NATYROR

Licensë Nr: \_\_\_\_\_

Vendimi i ERE-s Nr.: \_\_\_\_ i datës: \_\_\_\_\_ Data Efektive: \_\_\_\_\_

Lëshuar Personit: \_\_\_\_\_

(Emri i Plote dhe Adresa Ligjore e Personit)

Kodi Fiskal: \_\_\_\_\_

Sipas Autoritetit dhene Entit Rregullator i Energjise (“ **ERE**” ) dhe ne perputhje me:

- a) Ligjin Nr. 102/2015 “Per sektorin e Gazit Natyror ” dhe
- b) Ligjin Nr. 43/2015” Per Sektorin e Energjise Elektrike”
- c) Rregullorjen për procedurat dhe afatet për dhënien, modifikimin, transferimin, ose heqjen e licensave në sektorin e gazit natyror., miratuar me vendimin e Bordit te ERE-s Nr.97, date 04.07.2017
- d) Rregullat për certifikimin e operatorit të sistemit të transmetimit për gazin natyror, miratuar me vendimin e ERE-s Nr. 100, datë 05.08.2015 dhe ndryshuar me vendimin nr. 129, datë 31.10.2015
- e) Rregulloren për Organizimin, Funksonimin dhe Proçedurat e ERE-s miratuar me Vendimin e Bordit të ERE-s Nr. 96, datë 17.06.2016
- f) Rregullat dhe Rregulloret qe kane te bejne me Sektorin e Gazit Natyror

Enti Rregullator i Energjise i jep kete Liçensë Transmetimi (“ **License**” ), per kryerjen e aktivitetit te Transmetimit te Gazit Natyror ne Territorin e përcaktuar në këtë Liçensë, Personit të sipërpërmenduar, këtë e tutje referuar si “ **i Liçensuari**” , subjekt i Kushteve të Liçensës bashkëngjitur dhe pjesë përbërëse dhe e pandashme e kësaj Liçense.

Kjo Liçensë së bashku me kushtet e saj bashkëngjitur është e vlefshme prej Dates Efektive te sipershenuar dhe do te kete efekt per nje periudhe 30 vjecare, ne qofte se Licensa nuk hiqet nga ERE ne zbatim te nenit 27 te Ligjit 102/2015” Per Sektorin e Gazit Natyror” dhe ne perputhje “Rregulloren për procedurat e heqjes së licensave në sektorin e energjisë elektrike dhe të gazit natyror” , te miratuar me vendimin e bordit të ERE-s nr.58, datë 18.04.2017, si dhe kushtet qe permban kjo license.

Autoriteti Leshues (ERE)

\_\_\_\_\_

Kryetari

[selia e ERE]

Pranuar prej Personit te Licensuar se bashku me Kushtet e Licenses;

i Licensuari

\_\_\_\_\_Perfaqesuesi Zyrtar

**REPUBLIKA E SHQIPËRISË**  
**ENTI RREGULLATOR I ENERGJISË**

**KUSHTET E LICENSES**

**Për**

**AKTIVITETIN E TRANSMETIMIT TË GAZIT NATYROR**

License Nr: \_\_\_\_\_

Vendimi i ERE Nr.: \_\_\_\_\_ i dates: \_\_\_\_\_ Data Efektive: \_\_\_\_\_

Liçense lëshuar Personit: \_\_\_\_\_

(Emri i Plote dhe Adresa Ligjore e Personit)

Kodi Fiskal: \_\_\_\_\_

**Permbajtja**

|           |   |                                     |
|-----------|---|-------------------------------------|
| <u>1</u>  | <u><a href="#">Dispozita te Pergjithshme</a></u> .....  | 4                                   |
| <u>2</u>  | <u><a href="#">Perkufizime:</a></u> .....   | 4                                   |
| <u>3</u>  | <u><a href="#">Territori i Ushtrimit te Aktivitetit te Licensuar.</a></u> .....                                       | 6                                   |
| <u>4</u>  | <u><a href="#">Detyrimet Operacionale te te Licensuarit</a></u> .....   | 7                                   |
| <u>5</u>  | <u><a href="#">Detyrimet per Raportim te te Licensuarit</a></u> .....   | 11                                  |
| <u>4</u>  | <u><a href="#">Njoftimet</a></u> .....  | 12                                  |
| <u>5</u>  | <u><a href="#">Aksesi i Paleve te Treta ne Sistemin e Transmetimit dhe Perjashtimi prej Kesaj te Drejte</a></u> ..... | 13                                  |
| <u>6</u>  | <u><a href="#">Braktisja dhe Rehabilitimi</a></u> .....   | 13                                  |
| <u>7</u>  | <u><a href="#">Paqesat Rregullatore</a></u> .....   | 13                                  |
| <u>8</u>  | <u><a href="#">Tarifat</a></u> .....  | 13                                  |
| <u>9</u>  | <u><a href="#">Matja dhe Sistemi i Raportimit</a></u> .....   | 14                                  |
| <u>10</u> | <u><a href="#">Monitorimi i Performances te Aktivitetit te Licensuar</a></u> .....                                    | 14                                  |
| <u>11</u> | <u><a href="#">Cilesia e Sherbimit</a></u> .....  | 15                                  |
| <u>12</u> | <u><a href="#">Konfidencialiteti i Informacionit</a></u> .....  | 15                                  |
| <u>13</u> | <u><a href="#">Amendimet e Licenses</a></u> .....   | 16                                  |
| <u>14</u> | <u><a href="#">Hegja e Licenses</a></u> .....   | 16                                  |
| <u>15</u> | <u><a href="#">Zqjidhja e Mosmarreshjeve dhe e Drejta e Apelimit</a></u> .....  | 16                                  |
|           | .....   | <b>Error! Bookmark not defined.</b> |
|           | .....   | <b>Error! Bookmark not defined.</b> |

## ***1 Dispozita te Pergjithshme***

- 1.1 Ne perputhje me Ligjin Nr. 102/2015“ Per Sektorin e Gazit Natyror” , dhe Ligjin Nr. 43/2015, “ Per Sektorin e Energjise Elektrike” , ERE eshte i vetmi Autoritet ne Republiken e Shqiperise qe ka te drejten te leshoje dhe deklaroje vlefshmerine e kesaj License.
- 1.2 Ne se bazuar ne njeh Vendim me shkrim te ERE-s, ndonje ose disa prej kushteve te kesaj License behen te pavlefshme, anulohen apo pushojne se qeni ne fuqi, kushti ose kushtet ne fjale duhet te hiqen nga Kushtet e Licenses nderkohe qe Kushtet e tjera te mbetura te Licenses mbeten efektive dhe me fuqi te plote.
- 1.3 Nuk lejohet transferim i te drejtave te Licenses apo te asetave tek asnje person tjetër, pa aprovimin paraprak me shkrim te ERE-s. Kur aprovon nje transferim, ERE mund te modifikoje periudhen e Licensimit dhe ndonje Kusht tjetër te Licenses, duke treguar arsyen.
- 1.4 I Licensuari duhet te respektojeh ligjet ne fuqi, Vendimet e Qeverise, Rregullat dhe Rregulloret , si edhe vendimet e aprovuara nga ERE.
- 1.5 ERE ka te drejten eskuzive per modifikimin e kesaj License ne rastin e ndryshimit te kushteve dhe rrethanave ne perputhje me ndryshimet ne ligj, Vendimet e Qeverise, Rregullat dhe Rregulloret , si edhe vendimet e aprovuara nga ERE.
- 1.6 ERE i jep licencë per transmetimin e gazit natyror vetem njeh personi juridik, per njeh territor te caktuar. Përjashtim behet vetem per rastet kur ne njeh territor te caktuar eshte e domosdoshme te shtrihen dhe te kryejne veprimtari edhe infrastruktura te transmetimit te gazit me rendesi strategjike dhe kombetare, te percaktuara nga Keshilli i Ministrave.
- 1.7 Dhënia e licencës behet mbi bazen e kriterëve te efijencës dhe balancës ekonomike per operatorin e sistemit dhe duke siguruar qeh veprimtaria e te licencuarit te kryhet ne perputhje me te drejtat dhe pergjegjesite e percaktuara ne Ligjin Nr.102/2015 “ Per Sektorine e Gazit Natyror” .

### *Pjesa e I*

## ***2 Perkufizime:***

Përkufizimet e termave të percaktuara ne;

- (i) Ligjin Nr. 102/2015, , “ Per Sektorin e Gazit Natyror” dhe
- (ii) Ligjin Nr. 43/2015 “ Per Sektorin e Energjise Elektrike” , dhe
- (iii) Rregullorjen per proçedurat dhe afatet per dhënen, modifikimin, transferimin, ose heqjen e licensave ne sektorin e gazit natyror dhe
- (iv) Rregulloren per Organizimin, Funksionimin dhe Proçedurat e ERE-s
- (v) Rregullat dhe Rregulloret qe i perkasin Sektorit te Gazit Natyror,

përfshihen ne këte Licensë per çdo qëllim. Fjale dhe fraza te tjera, te perdorura ne këte Licensë dhe ne Kushtet e Licenses, te cilat nuk perfshihen ne ligjet dhe rregulloret e mësipërme, kanë kuptimet si me poshte vijon:

**2.1. Aktivitet i Licensuar** do të thotë aktivitetet e lidhura direkt dhe te nevojshme për operimin dhe përdorimin e Sistemit të Transmetimit në Territorin e Licensës për të transportuar Gazin Natyror dhe aktivitetet e lidhura me komprimimin, matjet, marrjen, depozitimin, livrimin, aktivitetet e dispecerimit dhe kontrollit të funksionimit/operimit të Sistemit të Transmetimit, interoperabilitetin me sistemet e tjera të transmetimit, depozitimit dhe shpërndarjes, pajimet dhe burimet e tjera te nevojshme për të siguruar stabilitetin, besueshmerine, sigurine dhe funksionimin/operimin efikas të Sistemit të Gazit Natyror.

**2.2. Biznes i Lidhur** do të thotë çdo biznes, i cili:

- a) direkt ose indirekt, plotësisht ose pjesërisht, zotërohet nga i Licensuari; ose
- b) ka të drejta pronësie mbi të Licensuarin; ose
- c) është prone e një Personi, i cili është prone e të Licensuarit.

**2.3 I Licensuar"** do të thotë Personi i pajisur me një Licensë dhënë nga ERE për të kryer aktivitete në sektorin e gazit natyror, në përputhje me dispozitat e ligjit 102/2015 “ Për Sektorin e Gazit Natyror” .

**2.4 “ Bordi i ERE” ose “Bordi”** do të thotë organi vendimmarrës i ERE që përbëhet nga pesë anëtarë të emëruar sipas procedurave të parashikuara nga Ligji Nr. 43/2015 “ Për sektorin e energjisë elektrike” dhe Ligji nr.102/2015 “ Për Sektorin e Gazit Natyror.

**2.5 ERE** do të thotë Enti Rregullator i Energjisë që vepron në bazë të Ligjit 43/2015 “ Për sektorin e energjisë elektrike” dhe Ligjit Nr. 102/2015 “ Për Sektorin e Gazit Natyror”

**2.6 "Gaz Natyror"** është gaz i metan, përfshirë gazin shoqëruar, si dhe të gjitha hidrokarburet që janë në gjendje të gaztë, në kushte atmosferike normale, i cili, përfshin edhe GNL-në, biogazin ose lloje të tjera gazi, që transmetohen dhe shpërndahen në sistemin e tubacioneve.

**2.7 "Licensë"** do të thotë një e drejtë e dhënë nga ERE për ushtrimin e një veprimtarie në përputhje me Ligjin Nr 102/2015 “ Për Sektorin e Gazit Natyror“

**2.8 "I Licensuar"** do të thotë Personi i pajisur me një Licensë dhënë nga ERE për të kryer aktivitete në sektorin e gazit natyror, në përputhje me dispozitat e ligjit 102/2015 “ Për Sektorin e Gazit Natyror” .

**2.9 Informacion me Ndjeshmeri Tregtare** do të thotë të dhëna të lidhura me biznesin ose me natyrë tregtare të përdoruesve të Sistemit që zotërohen nga i Licensuari gjatë procesit të ushtrimit të Aktivitetit të Licensuar, të cilat duhet të mbahen konfidenciale.

**2.10 Informacion me Avantazh Tregtar** do të thotë informacion i lidhur me aktivitetin e vetë të Licensuarit, i cili duhet të mbahet konfidencial dhe nuk duhet t’ i jepet apo t’ i bëhet i ditur të tjerëve në mënyrë diskriminuese.

**2.11 Kodi i Sistemit të Transmetimit** do të thotë teresia e rregullave dhe e rregulloreve për operimin, përdorimin dhe zhvillimin e Sistemit të Transmetimit në Territorin e Licensimit si dhe nderveprimin me sistemet e Transmetimit fqinje kombëtare dhe rajonale, të propozuara nga i Licensuari, dhe miratuar nga ERE sikurse përcaktuar nga Neni 25 i Ligjit Nr. 9946, datë 30.06.2008, “ Per Sektorin e Gazit Natyror” dhe praktikën dhe standardet e BE në sektorin e Gazit Natyror.

- 2.12 Nder-Subvencionime** do te thote transferimi i fondeve ose ndarje e kostove nder llogarite e te Licensuarit, ose llogarite e Bizneseve te Lidhura me qellim mbeshtetjen financiare te nje aktiviteti apo biznesi, duke i kaluar kostot tek nje aktivitet apo biznes tjetër.
- 2.11 Perdorues i Sistemit te Transmetimit ose Perdorues i Sistemit** do te thote Personi qe kryen aktivitet ne Sistemin e Gazit Natyror si psh Prodhuesit, Shperndaresit, Furnizuesit, Tregtaret, Konsumatorët e Kualifikuar lidhur ne Sistemin e Transmetimit dhe qe perfitojne nga sherbimet e Transmetimit.
- 2.12 Procedurat e Licensimit per Sektorin e Gazit Natyror** do te thote Rregullorja e hartuar nga ERE me titull “ Rregullorjen për procedurat dhe afatet për dhënien, modifikimin, transferimin, ose heqjen e licensave në sektorin e gazit natyror., miratuar me vendimin e Bordit te ERE-s Nr.97, date 04.07.2017
- 2.13 Rregullat dhe Rregulloret** do te thote te gjitha standartet, kodet, rregullat, rregulloret, metodologjite dhe cdo vendim ose akt tjetër ne fuqi, te aprovuara nga ERE dhe autoritete te tjera ligjvënëse.
- 2.14 Sistem i Transmetimit** do te thote rrjeti tubacioneve te presionit të lartë, stacionet e kompresorëve, paisjet e matjes si dhe gjithë paisjet dhe impiantet e tjera te nevojshme per kryerjne e aktivitetit te Transmetimit te Gazit Natyror ne Territorin e Licenses.
- 2.15 Tarife e Shërbimeve Ndhimese** do te thotë pagesa që i Liçensuari aplikon ndaj Përdoruesve të Sistemit në bazë të vendimeve te ERE për te siguruar Shërbime Ndhimëse.
- 2.16** “ Kodi i Rrjetit të Transmetimit” është tërësia e rregullave teknike, nëpërmjet të cilave rregullohet operimi i sistemit të transmetimit, si dhe përcaktohen kushtet e shërbimit që ofrohet nga Operatori i Sistemit të Transmetimit për përdoruesit e sistemit të transmetimit, në përputhje me rregullat e ENTSO-G-së
- 2.17 "Rregullore"** do të thotë ky dokument i titulluar "Rregullat dhe kërkesat për dhënien modifikimin transferim dhe heqjen e licensave në sektorin e gazit natyror.
- 2.18** “ Transmetim” është transporti i gazit natyror, nëpërmjet një rrjeti tubacionesh të presionit të lartë, i ndryshëm nga rrjeti i tubacionit në sektorin e kërkim-prodhimit, si edhe i ndryshëm nga një pjesë e tubacioneve të presionit të lartë, të përdorura paraprakisht për shpërndarjen e gazit, ku synohet lëvrimi e tij te klientët, pa përfshirë furnizimin
- 2.19 Tarife e Sherbimit te Transmetimit ose Tarife e Transmetimit** do te thote pagesa qe i Licensuari aplikon ndaj Perdoruesve te Sistemit ne baze te vendimeve te ERE për te siguruar sherbimet e transmetimit te gazit ne Sistemin e Transmetimit.
- 2.20 Territori i Licenses** do te kete kuptimin e percaktuar ne piken 3 te kesaj License.

### **3 Territori i Ushtrimit te Aktivitetit te Licensuar.**

- 3.1 Ne përputhje me legjislacionin ne fuqi, Rregullat dhe Rregulloret dhe zhvillimin e sektorit te gazit natyror ne Shqiperi, I Licensuari do te ushtrojë Aktivitetin e Liçensuar per Transmetimin e Gazit Natyror ne Sistemin e Transmetimit ne Territorin e Licenses.

## Pjesa e II

### **4 Detyrimet Operacionale të të Licensuarit**

- 4.1. I Licensuari autorizohet që sipas kesaj Licese të kryejë Aktivitetin e Licensuar në Territorin e Liçences.
- 4.2. Të jetë i çertifikuar konform nenit 37 të Ligjit Nr. 102/2015 “ Per Gazin Natyror” , sipas vendimit të ERE-s, si dhe të zbatojë të gjitha detyrimet që burojnë nga certifikimi.
- 4.3. I Liçensuari do të operojë, përdorë dhe zhvillojë Sistemin e Transmetimit në mënyrë efikase dhe me një kapacitet të mjaftueshëm për të plotësuar kërkesat e të gjithë Përdoruesve të Sistemit.
- 4.4. Jo më vonë se 2 vjet nga Data Efektive e kesaj License, i Licensuari do të përgatisë dhe dorëzojë për miratim në ERE një propozim të Kodit të Sistemit Transmetimit.
- 4.5. I Licensuari do të sigurojë që Sistemi i Transmetimit dhe gjithë tubacionet dhe facilitetet e tjera, përfshirë stacionet e kompresoreve, reduktoret e presionit, matësat dhe çdo pajisje tjetër janë ndërtuar dhe mirëmbahen sipas kushteve dhe standarteve teknike në fuqi.
- 4.6. I Licensuari është i detyruar që jo më vonë se data 10 qershor e çdo viti, ose sikurse mundet të jetë përcaktuar nga Rregullat dhe Rregulloret e ERE, të paraqesë për miratim tek ERE Planin Afatgjatë për Zhvillimin dhe Zgjerimin të Sistemit të Transmetimit për një periudhë minimalisht pesë vjeçare, si dhe planin për zhvillimin dhe zgjerimin të Sistemit të Transmetimit për vitin pasardhës të përgatitur në bashkëpunim me Përdoruesit e tjerë të Sistemit.
- 4.6.1. Plani për Zhvillimin dhe Zgjerimin e Sistemit të Transmetimit në vecanti do të përmbajë;
  - a) Një përshkrim të situatës aktuale të sektorit të Gazit Natyror në Territorin e Liçences, në vend, dhe në rajon.
  - b) Lidhjet aktuale të Sistemit të Transmetimit me sistemet e tjera të transmetimit, depozitimit dhe të shpërndarjes në vend dhe në rajon, kapacitetet e interkoneksioneve, nivelin e interoperabilitetit të Sistemit të Transmetimit me sistemet fqinje;
  - c) Parashikimin e nevojave për zgjerim të kapaciteteve të Sistemit të Transmetimit dhe aftësive të tij funksionale.
  - d) Masat për përballimin e ngushticave (konxhestioneve) të konsiderueshme;
  - e) Vendndodhjet ku është planifikuar të zhvillohet ose ndërtohet Sistemi i Transmetimit të Gazit Natyror dhe nëse e nevojshme ndryshimet në Territorin e Liçences për t’ u miratuar nga ERE;
  - f) Investimet e reja , të cilat do të behen në tre vitet në vijim;
  - g) Afatet kohore të kryerjes të investimeve dhe
  - h) Burimet financiare për zbatimin e planit.

- 4.6.2. Ne kushtet kur i Licensuari, me përjashtim të arsyeve jashtë kontrollit të tij, nuk kryen një investim, i cili, sipas planit 5-vjeçar të zhvillimit të rrjetit duhet të ishte kryer në vitin në vijim, ERE do të ndermarre vendimet e nevojshme në përputhje me ligjin dhe Rregullat dhe Rregulloret.
- 4.7. I Licensuari do të lejoje hyrjen e paleve të treta në Sistemin e Transmetimit sikurse percaktuar me tej në piken 7 të kesaj License.
- 4.8. I Licensuari nuk do të pengojë ose tentojë të pengojë pjesëmarrës të tjerë të tregut, apo konkurrente të ndryshëm që synojnë të angazhohen në :
- a) Një biznes të Gazit Natyror në Republikën e Shqipërisë; apo
  - b) Import ose eksport të Gazit Natyror në ose nga Republika e Shqipërisë.
- 4.9. I Licensuari nuk do të vendosë pagesë tjetër për Sherbimet e Transmetimit dhe Sherbimet Ndhimese, përveç Tarifës së aprovuar nga ERE.
- 4.10. I Licensuari nuk do të angazhohet në Nder-subvencionime. Në përputhje me Nenin 15 të Ligjit Nr.102/2015, “ Për Sektorin e Gazit Natyror” dhe Rregullat dhe Rregulloret e ERE, në qoftë se i Licensuari është një kompani vertikalisht e integruar në sektorin e gazit natyror, ai do të i ndajë llogaritë e tij financiare sipas aktiviteteve të prodhimit, transmetimit, depozitimit, shpërndarjes, tregtimit dhe furnizimit në mënyrë të tillë që të provojë në mënyrë të besueshme pranë ERE dhe cdo autoritetit tjetër të ngarkuar me ligj se nuk ka nder-subvencionime, nuk cenohet konkurrenca dhe nuk ka diskriminim.
- 4.11. I Licensuari nuk do të angazhohet në asnjë formë monopoli ose aktivitete të tjera që demtojnë konkurrencën.
- 4.12. Gjate kryerjes së Aktivitetit të Licensuar, i Licensuari është përgjegjës për sigurinë e shëndetit dhe jetës së njerezve, të prones së tyre si dhe për demtimin e ambientit në përputhje me legjislacionin në fuqi dhe Rregullat dhe Rregulloret e miratuara nga ERE. I Licensuari do të lidhë dhe mbajë kontrata sigurimi, me shoqëri sigurimi të licensuara sipas legjislacionit në fuqi, me limit detyrimesh jo më pak se 10 Milion \$, për të mbuluar detyrimet e të Licensuarit që lidhen me këto License dhe sipas Legjislacionit në fuqi. ERE dhe Shteti Shqiptar do të perfshihen si të siguruar shtesë në politikën e sigurimit pa kosto shtesë për ERE dhe Shtetin Shqiptar.
- 4.13. Në qoftë se i Licensuari përballë ose parashikon një situatë emergjente që kërcënon jetën ose shëndetin e njerezve, ose sigurinë e prones së tyre, ambientin, qendrueshmerinë e Sistemit të Transmetimit ose sigurinë e furnizimit, atëherë i Licensuari ndermerr hapat e nevojshme për të përmirësuar ose parandaluar ndikimet e situatës emergjente aktuale ose të pritshme. Pa vonesë në vijim i Licensuari duhet të njoftojë ERE-n dhe cdo autoritet tjetër të nevojshëm për situatën emergjente dhe veprimet ose planet e të Licensuarit për menaxhimin e kesaj situatë.
- 4.14. I Licensuari nuk do të angazhohet i vetëm ose së bashku me Persona të tjerë, në aktivitete të cilat kanë për qëllim ose mund të demtojnë natyrën e drejtë, të hapur dhe jo diskriminuese të Sistemit të Transmetimit dhe Tregut të Gazit Natyror. I Licensuari mund të bashkëpunojë me Persona të tjerë në aspekte të sigurisë, qendrueshmerisë dhe përmirësimit të Sistemit të Transmetimit.
- 4.15. I Licensuari kryen aktivitetin e Licensuar, zhvillon politikën dhe programet, si edhe merr masat e nevojshme për përmirësimin dhe nxitjen e efikasitetit ekonomik dhe operacionale të Sistemit të Transmetimit dhe siguron që Furnizimi me Gaz Natyror të



kryhet ne perputhje me kerkesat praktikat dhe standardet europiane lidhur me cilesine e sherbimit dhe qendrueshmerine e Sistemit te Transmetimit.

4.16. I Licensuari nuk angazhohet ne aktivitete, te cilat pengojne kryerjen e Aktivitetit te Licensuar. I Licensuari duhet te njoftoje ERE-n ne rast se ai ka ndermend te:

- a) angazhohet ne aktivitete te tjera , pervec Aktivitetit te Licensuar; ose
- b) te ngreje nje Biznes te Lidhur.

ERE mund te ndaloje ose te vendose kushte te vecanta per ngritjen e Bizneseve te Lidhura, me qellim mbrojtjen e Perdoruesve te Sistemit dhe per tu siguruar qe nuk ka Nder-Subvencionime te aktiviteteve.

4.17. I Licensuari është i autorizuar të faturoje pagesa për ofrimin e Sherbimeve Ndhimese sipas Tarifave te Sherbimeve Ndhimese te miratuara nga ERE.

4.18. I Licensuari nuk eshte pergjegjes per mosplotesimin e Kushteve te Licenses ne rastin e ndodhjes se Forces Madhore, ne masen qe, dhe per periudhen ne te cilen Forca Madhore nuk lejon plotesimin e Kushteve te Licenses. Ne rastin e Forces Madhore i Licensuari duhet te njoftoje menjehere ERE-n dhe Perdoruesit e tjere te Sistemit, me te cilet ka lidhur kontrate.

4.19. Kontrolli i Centralizuar dhe Koordimi i Sistemit te Transmetimit

4.19.1. I Licensuari duhet te drejtoje dhe koordinoje operimin e Sistemit te Transmetimit ne perputhje me Kodin e Sistemin te Transmetimit, Rregullat dhe Rregulloret e miratuara nga ERE.

4.19.2. Per sigurimin e koordinimit te Aktivitetit te Licensuar dhe operimin efektiv e te qendrueshem te Sistemit te Transmetimit, i Licensuari instalon, perdor dhe miremban pajisjet e nevojshme per mbrojtjen e Sistemit te Transmetimit nga gabimet operacionale, humbjet e linjes, apo cdo ngjarje tjeter te mundshme, e cila mund te kete efekt te demshem ne Sistemin e Transmetimit, ose pajisjet e instalimet e lidhura me te.

4.19.3. I Licensuari do te ofroje Sherbime Ndhimese ne perputhje me Kodin e Sistemit te Transmetimit dhe Rregullat dhe Rregulloret e miratuara nga ERE.

4.20. Ndryshimet ne Sistemin e Transmetimit

4.20.1. I Licensuari do të njoftoje menjehere ERE-n për çdo rrethane qe çon në ndryshime të rëndësishme të kapacitetit transmetues të linjave dhe stacioneve te kompresoreve të Sistemit të Transmetimit, për nje periudhe me te gjate se tridhjetete (30) dite dhe do t' i paraqese ERE-s opinionin e tij për zgjidhjen me të pershtatshme për të reduktuar ndikimin e demshem.

4.20.2. I Licensuari do të informoje ERE-n për planet për reduktimin e presionit te tubacioneve ose te pajisjeve te Sistemit të Transmetimit të pakten dymbedhjetete (12) muaj para reduktimit të planifikuar dhe do t' i paraqese ERE-s nje shpjegim të detajuar të veprimeve dhe masave qe do të merren për te zvogeluar ndikimin negativ te mundshem.

4.20.3. I Licensuari nuk do te lidhe kontrata per te cilat eshte ose duhet te jete ne dijeni te pasojave qe perbejne shkelje te Kushteve te Licenses.

4.20.4. I Licensuari mund te pezulloje sherbimet e Sistemit te Transmetimit per nje apo me shume Perdorues te Sistemit, per nje periudhe kohe, kur veprimi apo mosveprimi i nje Personi rrezikon qendrueshmerine, sigurine dhe cilesine e sherbimeve te Transmetimit per Perdoruesit te tjere te Sistemit te Transmetimit, ose mund te pengoje permbushjen

e Kushteve të Licenses. I Licensuari, pa vonese duhet të njoftojë ERE dhe ndonjë Person tjetër të prekur nga kjo situatë, lidhur me veprimet e pezulluara sipas këtij paragrafi. Këto njoftime duhet të përmbajjnë një opinion të argumentuar në lidhje me natyrën, madhësinë dhe periudhën e zgjatjes së këtyre pezullimeve.

- 4.20.5. siguron shërbimin e transmetimit të gazit natyror, në përputhje me kushtet e licencës dhe me rregullat e ERE-s;
- 4.20.6. kryen balancimin e sistemit, mbështetur në parime objektive, transparente e jodiskriminuese, në përputhje me rregullat balancuese. Çmimet për ofrimin e shërbimeve të lidhura me balancimin do të përcaktohen në bazë të metodologjisë së miratuar nga ERE;
- 4.20.7. siguron ofrimin e shërbimeve të sistemit në mënyrë transparente dhe jodiskriminuese, në bazë të parimit të kostos më të ulët dhe ndikimit mjedisor më të ulët;
- 4.20.8. ndërton kapacitete të mjaftueshme ndërkufitare për të integruar sistemin e transmetimit të gazit natyror të Shqipërisë me sistemin analog të vendeve anëtare të BE-së dhe palëve kontraktuese të Komunitetit të Energjisë, duke përmblusur të gjitha kërkesat e nevojshme ekonomike dhe teknike të realizueshme për kapacitetin, si dhe duke marrë parasysh sigurinë e furnizimit me gaz;
- 4.20.9. u siguron çdo operatori tjetër të sistemit të transmetimit, OSSH-së, operatorit të impiantit të depozitave, operatorit të impiantit të GNL-së, OST-së fqinje ose shoqërive të tjera të licencuara të gazit natyror informacion të mjaftueshëm, në mënyrë që transporti dhe depozitimi i gazit natyror të jenë në përputhje me mundësinë për të siguruar ndërveprimin e sigurt dhe eficient të sistemeve të ndërlidhura;
- 4.20.10. u siguron përdoruesve të sistemit informacion të hollësishëm, të kuptueshëm dhe të arritshëm për shërbimet e ofruara, kushtet e shërbimit dhe informacionin e nevojshëm teknik për përdoruesit e rrjetit, për t' u mundësuar një akses efektiv në rrjet, përfshirë, por pa kufizuar, kapacitetet teknike të kontraktuara dhe të disponueshme, në përputhje me informacionin konfidencial të përjashtimeve, të miratuar nga ERE;
- 4.20.11. prokuron energji për kryerjen e funksioneve të tij, sipas procedurave transparente, jodiskriminuese dhe në përputhje me tregun;
- 4.20.12. ruan dhe vendos në dispozicion të autoriteteve përgjegjëse të gjithë informacionin e përmendur në nenin 48, të këtij ligji, për një periudhë pesëvjeçare. Ky informacion duhet të vendoset në dispozicion edhe të Sekretariatit të Komunitetit të Energjisë;
- 4.20.13. ndërmerr të gjithë hapat e nevojshëm që të drejtat e kapaciteteve të jenë lirisht të tregtueshme, duke marrë masa që ky proces të kryhet në mënyrë transparente dhe jodiskriminuese. OST-ja harton kontrata të harmonizuara të transportit dhe procedurat për tregun primar, me qëllim lehtësimin e tregut sekondar të kapaciteteve dhe pranimit të transferimit të të drejtave të kapaciteteve fillestare të njoftuara nga përdoruesit e sistemit. Këto kontrata të harmonizuara dhe procedura i njoftohen EREs;
- 4.20.14. ruan konfidencialitetin e çdo informacioni të ndjeshëm tregtar.
- 4.20.15. OST-ja ushtron veprimtarinë në përputhje me standardet minimale teknike të miratuara nga ministria, për mirëmbajtjen, zhvillimin, inspektimin teknik të sistemit të transmetimit të gazit natyror dhe kapacitetin ndërlidhës

## 5 Detyrimet per Raportim te te Licensuarit

5.1 Deri ne daten 15 Shkurt te cdo viti, i Licensuari dergon ne ERE nje deklarate se aktiviteti i te Licensuarit gjate vitit parardhes ka qene ne perputhje me kushtet e kesaj License.

5.2 Raportimi Aktivitetit Operacional Vjetor

5.2.1 Deri ne daten 15 Shkurt te cdo viti, i Licensuari dergon ne ERE nje raport per aktivitetin operacional per vitin paraardhës. ERE mundet te vendose kushte te veçanta per formen e raportimit.

5.2.2 Raporti Vjetor, do te paraqese analizen e veprimtarise operationale te te Licensuarit dhe do te trajtoje minimalisht ceshtjet qe vijojne:

a) volumin gazit natyror te transmetuar gjate vitit parardhes (sasia totale e gazit natyror te transmetuar, numrin e perdoruesve te sherbyer) si dhe krahasime me vitet pararendese;

b) masat e marra gjate vitit per te cilin raportohet per :

- mbrojtjen e mjeteve dhe pajisjeve nga ndikimet e jashtme dhe difektet dhe sigurimin e mjeteve dhe pajisjeve te nevojshme per Aktivitetin e Licensuar,
- sigurine ne pune;
- mbrojtjen e ambjentit dhe shendetit te njerezve ;
- monitorimin e operimit te Sistemit te Transmetimit;
- plotesimin e kushteve per nje aktivitet te qendrushem, te vazhdueshem dhe me cilesi;
- plotesimin e kushteve per eficencen e perdorimit te Gazit; dhe
- analizen e rasteve te emergjences dhe masave parandaluese

c) realizimin e planit vjetor per zhvillimin dhe zgjerimin e Sistemit te Transmetimit te miratuar nga ERE per vitin paraardhes;

d) zbatimin e programit te riparimeve dhe mirembajtjes ne vitin raportues;

e) inspektimet, supervizimet dhe kontrollet e kryera nga organet kompetente, duke i shoqeruar me fotokopje te raporteve, analizave dhe vendimeve perkatese;

f) nje vleresim te nivelit te realizimit te planit per zhvillimin dhe zgjerimin e Sistemit te Transmetimit per vitin qe raportohet;

g) Nje vleresim paraprak te planit per zhvillimin dhe zgjerimin e Sistemit te Transmetimit qe duhet te paraqitet i plote ne përputhje me piken 4.5 te kësaj License.

h) Realizimin e detyrimit per te mbajtur te informuar konsumatorët dhe masat e marra per permiresimin e cilesise se sherbimit.

5.3 Raportimi Financjar

5.3.1 I Liçensuari mban libra llogarie dhe pergatit bilance financiare, të cilat do të mbahen të ndara për Aktivitetin e Liçensuar si dhe per çdo aktivitet tjeter (perfshire aktivite të tjera të licensuara) ku është angazhuar i Licensuari, në perputhje me Rregullat e Kontabilitetit dhe procedurat e miratuara nga ERE dhe në perputhje me Ligjin Nr. Ligjin Nr. 9228, datë 29.04.2004, “ Për kontabilitetin dhe pasqyrat

financiare” . Deri ne daten 30 Qershor te cdo viti i Liçensuari dorezon ne ERE pasqyrat financiare te audituara te shoqeruara me:

- Bilancin
- Pasqyra e te ardhurave dhe shpenzimeve.,
- Pasqyra e ndryshimeve ne kapital,
- Pasqyra e fluksit te parase
- Shenimet shpjeguese

5.3.2 I Liçensuari do të ndaje shpenzimet e perbashketa mes Aktivitetit të tij të Liçensuar dhe tipeve të tjera të aktiviteteve (perfsjire aktivitetet e autorizuara nga leje te tjera apo Koncesione) në baze të arsyeshme në perputhje me Rregullat dhe Rregulloret e ERE-s dhe praktikrat e biznesit pergjithesisht të pranuar. Ne perputhje me kerkesat e pikes 4.9 te kësaj License dhe me kerkese te ERE-s, i Licensuari dorezon ne ERE Pasqyrat Financiare te audituara te cilat mbulojne te gjitha aktivitetet e te Licensuarit dhe qe tregojne se nuk ka nder-subvencionime ne lidhje me Aktivitetin e Licensuar. Me kerkese te ERE-s, i Licensuari dorezon ne ERE edhe shpjegimet qe justikojne bazat per alokimin e shpenzimeve te pergjithshme te kryera nga i Licensuari.

#### 4 Njoftimet

6.1 I Licensuari duhet te njoftoje ERE-n brenda 10 (dhjete) diteve per cdo ndryshim ne:

- (a) Adresen Zyrtare,
- (b) Statutin e te Licensuarit,
- (c) Certifikaten e Regjistrimit,
- (d) Kodin Fiskal,
- (e) Perfaqesuesit Zyrtar apo Organet e tjera Drejtuese
- (f) Ndryshimin e struktures se asetave nga 10%, ose me teper,
- (g) Cdo ndryshim tjeter ne organizimin dhe operimin e te Licensuarit, te cilat mund te kete nje ndikim te rendesishem ne aktivitetin e te Licensuarit.

Nese i Liçensuari nuk e ben kete njoftim, ERE mund të aplikojë gjoba, sipas nenit 106 te Ligjit Nr. 102/2015 “ Per Sektorin e Gazit Natyror” , i ndryshuar dhe Rregullave dhe Rregulloreve te ERE.

6.2 Gjithe njoftimet zyrtare, aplikimet, peticionet, pretendimet ose korrespondenca tjeter me ERE-n lidhur me Liçencen duhet të jete me shkrim dhe të nenshkruara respektivisht nga nje zyrtar i autorizuar ose perfaqesues i caktuar i të Licensuarit dhe ERE-s, sipas rastit dhe të dergohet me korrier ose poste të regjistruar, duke kerkuar nje verifikim të fletes se marrjes se njoftimit. Adresat e paleve duhet të vendosen mbi zarf. Gjithe njoftimet ose korrespondenca tjeter do të konsiderohen se hyjne në fuqi nga momenti i dorezimit, ose nese nuk jane dorezuar për shkak të gabimit të derguesit, nga momenti i prezantimit.

#### Pjesa e III-te

## **7 *Aksesi i Paleve te Treta ne Sistemin e Transmetimit dhe Perjashtimi prej Kesaj te Drejte***

- 7.1 Ne perputhje me Nenin 42 te Ligjit Nr. 102/2015, “ Per Sektorin e Gazit Natyror” dhe Rregullat dhe Rregulloret e miratuara prej ERE, i Licensuari do te siguroje hyrjen e Paleve te Treta ne Sistemin e Transmetimit ne Territorin e Licenses te Perdoruesve te Sistemit ne menyre te drejte, transparente dhe pa diskriminim.
- 7.2 Ne rast te ndertimit te infrastrukturave te reja ose zgjerimit te konsiderueshem te kapaciteteve egzistuese te Sistemit te Transmetimit ne Territorin e Licenses, i Licensuari mund te kerkoje qe ERE ta perjashtoje nga detyrimi i te drejtes se aksesit te paleve te treta ne perputhje me nenin 43 te Ligjit Nr. 102/2015, “ Per Sektorin e Gazit Natyror” dhe Rregullat dhe Rregulloret e miratuara prej ERE.

## **8 *Braktisja dhe Rehabilitimi***

- 8.1 Ne përputhje me Rregullat dhe Rregulloret ne fuqi, i Licensuari braktis pajisjet dhe impiantet dhe rehabiliton vendndodhjen e paisjeve dhe mjedisin përreth ne rastet kur:
- a) pajisjet dhe impiantet jane jashte sherbimi, te dëmtuara dhe nuk jane riparuar pergjate nje periudhe prej 12 (dymbedhete) muaj kalendarike, dhe;
  - b) i Licensuari nuk ka njoftuar ERE-n qe ai ka ndermend te perdore, riparoje apo zevendesoje keto pajisje dhe impiante.
- 8.2 I Licensuari duhet te ndermarre menjehere veprimet e nevojshme per zhvendosjen e pajisjeve te braktisura dhe te beje restaurimin e zones ne kushtet qe ajo ka qene para fillimit te ushtrimit te aktivitetit te Licensuar dhe te riparoje cdo dem te ambjentit te shkaktuar si rezultat i veprimtarise se te Licensuarit.
- 8.3 Te gjitha shpenzimet per braktisjen e pajisjeve apo faciliteteve dhe rehabilitimin e zones dhe ambjentit jane ne llogari te te Licensuarit.
- 8.4 I Licensuari do te mbaje ERE-n dhe Shtetin Shqiptar jashte cdo kostoje zhdemtimi dhe pergjegjesie tjeter perfshire rehabilitimin e demtimeve mjedisore te shkaktuara ose qe kane ardhur si pasoje e gabimeve te te Licensuarit ne ushtrimin e aktivitetit sipas kesaj License.

### *Pjesa e IV*

## **9 *Pagesat Rregullatore***

I Licensuari duhet te paguaje ne ERE pagesat ne menyre te rregullt gjate gjithe kohes se mbajtjes se licenses ne perputhje me Ligjin mbi “ Sektorin e Gazit Natyror “ dhe Rregullave dhe Rregulloreve te ERE-s. Ne qofte se i Licensuari nuk paguan keto pagesa ne sasine dhe kohen e caktuar atehere ai penalizohet sipas legjislacionit ne fuqi.

## **10 *Tarifat***

- 10.1 Tarifa e Transmetimit rregullohet dhe aprovohen nga ERE.

- 10.2 Tarifa e Transmetimit e aprovuar nga ERE do te vendoset per te siguruar te Licensuarin me:
- a) Te ardhura te mjaftueshme per mbulimin e niveleve te arsyeshme te kostove , perfshire koston e kapitalit;
  - b) Sigurimin e nje norme te arsyeshme fitimi, dhe
  - c) Nxitje (insentiva) per reduktimin e kostove dhe operimin ne menyre me eficente.
- 10.3 Për sasine e gazit natyror të transmetuar nga i Licensuari, si edhe per Sherbimet Ndhimese i Licensuari autorizohet te vendose pagesa per te gjithë Perdoruesit e Sistemit te Transmetimit me kusht qe keto pagesa te jene sipas tarifes se aprovuar nga ERE. Vlera e ketyre pagesave percaktohet mbi bazen e tarifes se transmetimit dhe sasine e gazit te regjistruar ne matesat e instaluar ne:
- a) Kufirin e Sistemit te Transmetimit dhe Sistemit te Shperndarjes.;
  - b) Kufirin e Sistemit te Transmetimit dhe Konsumatoreve te cilet marrin lidhje direkt me Sistemin e Transmetimit, dhe;
  - c) Interkonjeksionet me Sistemet e tjera te Tranzitit.
- 10.4 Bazuar ne aplikimin e te Licensuarit ose me iniciativen e saj, ERE mund te rishikojë Tarifen e Transmetimit dhe t' a ndryshojë ato, ne perputhje me legjislacionin ne fuqi dhe Rregullat dhe Rregulloret e ERE-s.

## ***11 Matja dhe Sistemi i Raportimit***

- 11.1 I Liçensuari do të regjistrojë ne baze orare, gjithë volumet e Gazit Natyror qe hyjne ose dalin nga Sistemi i Transmetimit. Në vendet ku nuk ka mates ose kur matesat nuk regjistrojne ne menyre korrekte, i Liçensuari do të percaktojë sasite orare te gazit te transmetuar ne përputhje me Kodin e Sistemit te Matjes dhe do të ndermarre pa vonese masa për instalimin ose riparimin e pajisjeve të nevojshme matese.
- 11.2 I Licensuari mban raporte te detajuara mujore per sasite e gazit qe hyjne dhe dalin ne Sistemin e Transmetimit, Operimin e Sistemit te Transmetimit, Balancimin, Sherbimet Ndhimese dhe detaje te tjera te Sistemit te Transmetimit
- 11.3 I Licensuari u dorezon mbi baza mujore te gjithë Perdoruesve te Sistemit te Transmetimit, me te cilet ka lidhur kontrata per sigurimin e Sherbimeve te Transmetimit, te dhena lidhur me Sasine e Gazit te transmetuar, ne perputhje me kontraten e lidhur me cdo Perdorues.

## *Pjesa V*

## ***12 Monitorimi i Performances te Aktivitetit te Licensuar***

- 12.1 ERE monitoron te Licensuarin lidhur me zbatimin e kushteve te Licenses, shqyrton raportet e te Licensuarit dhe, kur e shikon te arsyeshme ERE inspekton asetet, llogarite apo te dhena te tjera dhe kerkon auditimin e aktiviteteve te te Licensuarit. Kostot e auditimeve jane per llogari te te Licensuarit.
- 12.2 Ne vijim te nje ankese te argumentuar te nje pale te trete, apo me iniciativen e vet , ERE mund te filloje nje investigim te pajtueshmerise se aktivitetit te te Licensuarit me Kushtet e Licenses dhe Rregullat dhe Rregulloret e ERE.
- 12.3 I Licensuari duhet te siguroje akses te plote perfaqesuesve te autorizuar te ERE- ne dokumentacionin dhe raportet e te Licensuarit per te kontrolluar aktivitetin e Licensuar ne perputhje me Rregullat dhe Rregulloret e miratuara nga ERE. I Licensuari duhet te jape te gjitha ndihmen e nevojshme gjate procesit te kontrollit.
- 12.4 Ne qofte se pas investigimit, ERE arrin ne perfundimin qe i Licensuari nuk ka permbushur Kushtet e Licenses, ERE mund te rishikoj tarifen e te Licensuarit dhe /ose merr masat e nevojshme ne perputhje me Ligjin Nr.102/2015, “ Per Sektorin e Gazit Natyror” , Rregullat dhe Rregulloret, me qellim mbrojtjen e interesave te Perdoruesve te Sistemit te Transmetimit dhe konsumatoreve te Gazit Natyror.
- 12.5 I Licensuari duhet te informoje ERE per cdo shkelje te Kushteve te Licenses brenda 7 (shtate) diteve kalenderike nga dita e marrjes dijeni te nje fakti te tille.
- 12.6 I Licensuari duhet te zbatoje te gjitha vendimet e marra nga ERE, perfshire pagesat e gjobave te vendosuar nga ERE, ne perputhje me Rregullat dhe Rregulloret.

### ***13 Cilesia e Sherbimit***

I Licensuari eshte i detyruar te:

- a) siguroje sherbim cilesor te transmetimit te gazit natyror qe lidhet me vazhdueshmerine e livrimit si dhe cilesine e gazit natyror qe hyn ne Sistemin e Transmetimit dhe ruajtjen e cilesise se tij deri ne daljen nga Sistemi .
- b) te hartoj nje metodologji per standardet dhe monitorimin e cilesise se gazit natyror ne pikat e hyrjes dhe te daljes te Sistemit te Transmetimit dhe ta dorezoje ate per aprovim ne ERE, dhe
- c) te monitoroje ne vijimesi cilesine e gazit te transmetuar dhe te dorezoje prane ERE-s raporte periodike, ne perputhje me Metodologjine e aprovuar.

### ***14 Konfidencialiteti i Informacionit***

- 14.1 I Licensuari duhet te siguroje qe cdo informacioni i marre si rezultat i ushtrimit te Aktivitetit te Licensuar nuk do t’ i behet e ditur askujt me perjashtim te rasteve kur:
- a) ne qofte se informacioni duhet te zbulohet gjate kryerjes se Aktivitetit te Licensuar.
  - b) kur te Licensuarit i kerkohet te deklaraje informacionin ne perputhje me Kushtet e Licenses,
  - c) me urdher te ERE-s,
  - d) Jepet pelqimi paraprak me shkrim i Personit me te cilin lidhet informacioni;
  - e) me urdher te Gjykates, dhe zbatimin e legjislacionit ne fuqi;

- f) ne qofte se informacioni eshte bere i njohur ne publik;
- 14.2 I Liçensuari do të siguroje qe çdo Biznes i Lidhur nuk do të perdore asnje informacion të të Liçensuarit për te fituar nje avantazh konkurrues të pajustificuar dhe do të siguroje qe nuk do të perhape asnje informacion tek ndonje Person tjetër (perfshire Biznese të tjere te Lidhura) qe mund ta mundesojne kete Person të arrije perfitim komercial të pajustificuar.
- 14.3 I Liçensuari do të hartojë dhe do t' e paraqese prane ERE-s procedurat për të siguruar zbatimin e kësaj pike 14. I Liçensuari do të ndermarre çdo hap të nevojshem për ta ruajtur informacionin konfidencial në posedim të te Licensuarit dhe për t' i raportuar ERE-s në perputhje me obligimet e paraqitura në kete pike 14.
- 14.4 Informacioni i derguar ERE-s nga i Liçensuari do të konsiderohet publik me perjashtim të rasteve kur me kerkese specifike të te Liçensuarit, ERE-ja me vendim percakton qe ky informacion është i natyres pronesore dhe nuk duhet te behet perhapja e tij ne publik.

### *Pjesa e VI*

#### **15 *Amendimet e Licenses***

Amendimi i Kushteve te kesaj License do te behet ne përputhje me legjislacionin ne fuqi dhe Procedurat e Licensimit dhe nenit 28 te ligjit Nr. 102/2015 “ Per Sektorin e Gazit Natyror”.

#### **16 *Heqja e Licenses***

- 16.1 ERE mund te heqe Licensen ne perputhje me Ligjin mbi “ Sektorin e Gazit Natyror” dhe Procedurat e Licensimit te ERE-s per Sektorin e Gazit Natyror, si edhe me Rregullat dhe Rregulloret e tjera,
- 16.2 Ne qofte se i Licensuari ndryshon statusin e tij ligjor, ose strukturen e kontrollit te interesave te aksionereve pa autorizimin e ERE-s, Licensa behet e pavlefshme dhe subjekti pasues i te Licensuarit duhet te aplikojë per nje license te re ne perputhje me Procedurat e Licensimit te ERE-s per Sektorin e Gazit Natyror.

#### **17 *Zgjidhja e Mosmarreveshjeve dhe e Drejta e Apelimit***

- 17.1 Cdo mosmarreveshje ndermjet te Licensuarit dhe cdo Perdoruesi te Sistemit te Transmetimit, apo ndonje personi tjetër qe lidhet me aktivitetin e Transmetimit, ose Kushtet e kesaj License do te zgjidhet me mirekuptim, ne perputhje me Legjislacionin, Rregullat dhe Rregulloret ne ne fuqi.
- 17.2 Ne rast se nuk arrihet ne zgjidhje te mosmarreveshjes me mirekuptim, atehere bazuar ne kerkesen e çdo pale qe eshte pjese e kesaj mosmarreveshje, ERE zgjidh mosmarreveshjen dhe nxjerr vendimin e saj ne perputhje me nenin 98 te Ligjit Nr. 102/2015 “ Per Sektorin e Gazit Natyror” dhe ne zbatim te “ Rregulloren per Trajtimin e Ankesave te Paraqitura nga Klientet dhe per Zgjidhjen e Mosmarreveshjeve midis te licenduarve ne sektorin e Energjise Elektrike dhe te Gazit Natyror”



- 17.3 I Licensuari mund te apeloje vendimin e ERE-s ne Gjykatën e Administrative Tirane.
- 17.4 Gjate pritjes per apelim, ne qofte se ka, i Licensuari duhet te zbatoje vendimet e ERE.

Aneksi perkates:

**Te dhena te pergjithshme mbi Sistemin e Transmetimit te presionit te larte te Gazit**

| Nr | Tubacion gazi i presionit te larte | Vendndodhja | Viti i Ndertimit | Gjatesia (km) | Diametri (intches) | Presioni max i projektuar (atm) | Kapaciteti projektuar (Nm <sup>3</sup> gaz/dite) |
|----|------------------------------------|-------------|------------------|---------------|--------------------|---------------------------------|--|
| 1  |                                    |             |                  |               |                    |                                 |  |
| 2  |                                    |             |                  |               |                    |                                 |  |
| 3  |                                    |             |                  |               |                    |                                 |  |
| 4  |                                    |             |                  |               |                    |                                 |  |
| 5  |                                    |             |                  |               |                    |                                 |  |
| 6  |                                    |             |                  |               |                    |                                 |  |
| 7  |                                    |             |                  |               |                    |                                 |  |
| 8  |                                    |             |                  |               |                    |                                 |  |
| 9  |                                    |             |                  |               |                    |                                 |  |
| 10 |                                    |             |                  |               |                    |                                 |  |
| 11 |                                    |             |                  |               |                    |                                 |  |
| 12 |                                    |             |                  |               |                    |                                 |  |
| 13 |                                    |             |                  |               |                    |                                 |  |